

DIE XV. JULII.

IN FESTO  
S. CAMILLI  
DE LELLIS,  
FUNDATORIS CLERICORUM  
Regularium Ministrantium  
Infirmis.

D U P L E X.

*Oratio.*

**D**EUS, qui beatum  
Camillum ad anima-  
rum in extremo agone lu-  
ctantium subsidium sin-  
gulari charitatis præroga-  
tivâ decorasti: ejus, quæ-  
sumus, méritis Spiritum  
nobis tuæ dilectionis in-  
funde, ut in hora exitus  
nostri hostem vincere, &  
ad cœlestem mereâmur  
coronam pervenire. Per  
Dominum, in unitate ejus-  
dem.

INI. NOCTURN.

*Lect. de Scriptura occurrente.*

IN II. NOCTURN.

*Lectio iv.*

**C**Amillus Bucclanici  
Theatinæ Diocœsis  
Oppido ex nobili Lellio-

rum familia natus est;  
Matre sexagenaria: cui  
gravidæ vitulum est per-  
quietem, puerulum Cru-  
cis signo in pectore mu-  
nitum, & agmini puero-  
rum idem signum gestan-  
tium præeuntem, se pe-  
perisse. Adolescens rem  
militarem sequutus, sæ-  
culi vitii aliquandiù in-  
dulfit; donèc vigesimum  
quintum agens ætatis an-  
num, tanto supernæ græ-  
tiæ lumine, divinæque  
offensæ dolore correptus  
fuit, ut uberrimo lacry-  
marum imbre illicò per-  
fusus, anteaactæ vitæ  
sordes indefinenter abstè-  
gere, novumque induere  
hominem firmiter decre-  
-

\* ve-

2  
verit. Quare ipso, quo  
id contigit, Purificationis  
Beatissimæ Virginis festo  
die, ad Fratres Minores,  
quos Capuccinos vocant,  
convolans, ut eorum nu-  
mero adscriberetur, sum-  
mis præcibus exoravit.  
Voti semel atque iterum  
compos factus est; sed  
fædo ulcere, quo aliquan-  
do laboraverat, in ejus  
tibia iteratò recruDESCEN-  
te, divinæ Providentiæ  
majora de eo disponen-  
tis consilio humiliter se  
subjecit, sui que victor,  
illius Religionis bis expe-  
ctatum, & susceptum hà-  
bitum bis dimisit.

*Lectio v.*

**R**omam profectus, in  
Nosocomium, quod  
Insanabilem dicitur, re-  
ceptus est; cujus etiam  
administrationem, ob  
perspectas ejus virtutes  
sibi demandatam, summa  
integritate, ac sollicitu-  
dine verè paterna peregit.  
Omnium agrorum ser-  
vum se reputans, eorum  
sternere lectulos, sordes  
tergere, ulceribus mederi,  
agonique extremo piis

precibus, & cohortatio-  
nibus optent ferre solenne  
habuit; quibus in mune-  
ribus præclara præbuit  
admirabilis patientiæ, in-  
victæ fortitudinis, & he-  
roicæ charitatis exempla.  
Verùm cum animarum in  
extremis periclitantium,  
quod unice iatenlebat,  
levâmini subilium litte-  
rarum plurimum conferre  
intelligeret, triginta duos  
annos natus, in primis  
Grammaticæ elementis ty-  
rocinium inter pueros ite-  
rum subire non erubuit.  
Sacerdotio postea ritè ini-  
tiatedus, nonnullis sibi ad-  
junctis sociis, prima jecit  
Congregationis Clerico-  
rum Regularium Infirmis  
Ministrantium funda-  
menta; irritò conatu  
omnitate humani gene-  
ris hoste: Nam Camillus  
cœlesti voce è Christi cru-  
cifixi, manus etiam de  
ligno avullas admirandò  
prodigio protendentis, Si-  
mulacro emissâ, mirabili-  
tèr confirmatus, Ordinem  
suum à Sede Apostolica  
approbari obtinuit, So-  
dalibus quarto obstrictis

maximè arduo voto, Infirmis, quos etiam pestis infecerit, mini strādi. Quod institutum, quā foret Deo acceptum, & animarum salati proficuum, sanctus Philipus Neri, qui Camillo a sacris Confessionibus erat, comprobavit; dum ejus alumnis decedentium agoni opem ferentibus Angelos suggerentes verba læpius se vidisse testatus est.

*Lectio vi.*

**A**RTIORIBUS hisce vinculis agrotantium ministerio mancipatus, mirum est, qua alacritate, nullis fractus laboribus, nullis deterritus vitæ periculis, diū, noctūque ad supremum usque spiritum, eorum commodis vigilaverit. Omnibus omnia factus, vilissima quæque Officia demissimo obsequio, flexitque plerumque genibus, veluti Christum ipsum cerneret in infirmis, hilari, promptoque animo arripiebat, utque omnium indigentis præsto esset, generalem Ordinis Præfecturam, cæ-

3  
lique delicias, quibus in contemplatione defixus affluebat, spontè dimisit. Paternus verò illius erga miserum amor tam maximè effulsit, cum & Urbs contagioso morbo primùm, deinde extrema anno re laboraret inopia, & Nolæ in Campania dira pestis grassaretur. Tanta denique in Deum & proximum charitate exarsit, ut Angelus nuncupari, & Angelorum opem in vario itinerum discrimine experiri promeretur. Prophetiæ dono, & gratia finitatum præditus, arcana quoque cordium in pexit; ejusque præcibus nunc cibaria multiplicata sunt, nunc aqua in vinum conversa. Tandem vigiliis, jejniis, & assiduis attritus laboribus, cum pelle tantum & ossibus constare videretur, quinque molestis æquè ac diutinis morbis, quos Misericordias Domini appellabat, fortiter toleratis, Sacramentis munitus, Romæ inter suavissima Jesu & Mariæ nomi-

4  
mina, & ea verba, mitis,  
atque festivus Christi Jesu  
tibi aspectus appareat, qua  
prædixerat hora, obdor-  
mivit in Domino pridie  
Idus Julii anno salutis  
millesimo sexcentesimo  
decimo quarto, ætatis suæ  
sexagesimo quinto, quem

pluribus illustrem miracu-  
lis Benedictus XIV. Beatis  
adscipit.

*Reliqua de Comm. Conf.  
non Pontif. 1. loco.*

*Missæ: Os justi, de eod. Com-  
muni cum Orat. propria, ne  
supra.*

## HISPANIARUM.

**S**anctissimus Dominus Noster Benedictus Papa XIV.  
Senixi, precibus Serenissimi Ferdinandi VI. Catholi-  
ci Regis Hispaniarum benignè inclinatus concessit ut in  
Regnis, & Ditionibus eidem Regi subiectis Officium S.  
Camilli de Lellis Clericorum Regularium Ministrantium  
Infirmis Fundatoris, sub ritu duplici cum Oratione. &  
Lectioibus secundi Nocturni, ab eodem Sanctissimo Do-  
mino Nostro approbatis in ejus die Festo ab omnibus  
utriusque sexus Christi Fidelibus, tam Sacularibus,  
quam Regularibus, qui ad Horas Canonicas tenentur,  
recitari possit, & valeat. Hac die 5. Januarii 1750.

D. F. Cardinalis Tamburinus,  
Præfatus.

Loco ✕ Sigilli.

T. Patriarcha Hierosolymitanus,  
Secret.